

第九冊（全十八冊）

國家圖書館出版社

《史記》研究文獻輯刊

吳平 周保明 選編

第九冊

《史記》

研究文獻輯刊

國家圖書館出版社

第九冊目錄

桐城吳先生點勘史記讀本一百三十卷(卷二十八—六十九) 清·吳汝綸點校 民國四年(1915)鉛印

本

此篇意義明了獨文字萬數千言如一筆書精神昌王脈絡貫輸後使無能企及

封禪書第六

史記二十八

自古受命帝王曷嘗不封禪蓋有無其應而用事者矣未有睹符瑞見而不臻乎泰山者也雖某案雖讀曰唯受命而功不至至校刪梁父二字至至下依方侍郎矣而德不洽洽矣而日有不暇給是以卽事用希傳曰三年不爲禮禮必廢三年不爲樂樂必壞每世之降則封禪答焉及衰而息厥曠遠者千有餘載近者數百載故其儀闕然湮滅其詳不可得而記聞云尙書曰舜在璇璣玉衡以齊七政遂類于上帝禋于六宗望山川徧羣神輯五瑞擇吉日日見四嶽諸牧還瑞歲二月東巡狩至于岱宗岱宗泰山也柴望秩於山川遂觀東后東后者諸侯也某案諸侯上當有東字合時月正日同律度量衡修五禮五玉三帛二生一死贊五月巡狩至南嶽南嶽衡山也八月巡狩至西嶽西嶽華山也十一月巡狩至北嶽北嶽恒山也皆如

岱宗之禮中嶽嵩高也五載一巡狩禹遵之後十四世

漢書作十三世非

至帝

孔甲淫德好神神瀆二龍去之其後三世湯伐桀欲遷夏社不可作夏

社後八世至帝太戊有桑穀生於廷一暮大拱懼伊陟曰妖不勝德太

戊修德桑穀死伊陟贊巫咸巫咸之興自此始後十四世

漢書作十三世

帝武

丁得傳說爲相殷復興焉稱高宗有雉登鼎耳雉武丁懼祖己曰修德

武丁從之位以永寧後五世帝武乙慢神而震死後三世帝紂淫亂武

王伐之由此觀之始未嘗不肅祇後稍怠慢也周官曰冬至祀天於

南郊迎長日之至夏日至祭地祇皆用樂舞而神乃可得而禮也天子

祭天下名山大川五嶽視三公四瀆視諸侯諸侯祭其疆內名山大川

四瀆者江河淮濟也天子曰明堂辟雍諸侯曰泮宮周公既相成王郊

祀后稷以配天宗祀文王於明堂以配上帝自禹興而修社祀后稷稼

因雍有故時遂微論及方
士無稽之說以爲後文張
本卻將雍之諸祠自此興
離之他所使人目眩此昔
人所謂筆墨流珠處也
此等皆爲後書宮神君等
作影

稽故有稷祠。郊社所從來尙矣。自周克殷後十四世。漢書作十三世益世此三字是衰禮樂廢。諸侯恣行。而幽王爲犬戎所敗。周東徙雒邑。秦襄公攻戎救周。始列爲諸侯。秦襄公既侯。居西垂。自以爲主少皞之神。作西時祠。白帝。其牲用騂駒黃牛羝羊各一云。其後十六年。漢書作十四年非秦文公東獵汧渭之間。卜居之而吉。文公夢黃蛇自天下屬地。其口止於酈。衍文公問史敦。敦曰。此上帝之徵。君其祠之。於是作酈時。用三牲郊祭白帝焉。自未作酈時也。而雍旁故有吳陽武時。雍東有好時。皆廢無祠。或曰。自古以雍州積高。神明之隩。故立時。郊上帝。諸神祠皆聚云。蓋黃帝時嘗用事。雖晚周亦郊焉。其語不經見。縉紳者不道。作酈時後九年。文公獲若石云。於陳倉北阪城祠之。其神或歲不至。或歲數來來也。常以夜光輝若流星。從東南來。集於祠城。則若雄雞。其聲殷云。野雞夜雊。以一牢

祠命曰陳寶。作鄜時後七十八年。秦德公既立。卜居雍。後子孫飲馬於河。遂都雍。雍之諸祠自此興。用三百牢於鄜時。作伏祠。磔狗邑四門。以禦蠱菑。德公立二年卒。其後六年。秦宣公作密時於渭南。祭青帝。其後十四年。漢書作十三年秦繆公立。病臥五日不寤。寤乃言夢見上帝。上帝命穆公平晉亂。史書而記藏之府。而後世皆曰秦繆公上天。秦繆公卽位九年。齊桓公既霸。會諸侯於葵丘。而欲封禪。管仲曰。古者封泰山禪梁父者七十二家。而夷吾所記者十有二焉。昔無懷氏封泰山禪云云。慮義封泰山禪云云。神農封泰山禪云云。炎帝封泰山禪云云。黃帝封泰山禪云云。顓頊封泰山禪云云。帝喾封泰山禪云云。堯封泰山禪云云。舜封泰山禪云云。禹封泰山禪。會稽湯封泰山禪云云。周成王封泰山禪。社首皆受命。然後得封禪。桓公曰。寡人北伐山戎。過孤竹。西伐大夏。涉

流沙束馬懸車上卑

齊志卑作辟

耳之山南伐至召陵登熊耳山以望江漢

兵車之會三而乘車之會六九合諸侯一匡天下諸侯莫違我昔三代受命亦何以異乎於是管仲睹桓公不可窮以辭因設之以事曰古之封禪鄩上之黍北里之禾所以爲盛江淮之間一茅三脊所以爲藉也東海致比目之魚西海致比翼之鳥然後物有不召而自至者十有五焉今鳳皇麒麟不來嘉穀不生而蓬蒿藂莠茂鳴鳧數至而欲封禪毋乃不可乎於是桓公乃止是歲秦繆公內晉君夷吾其後三置晉國之君平其亂繆公立三十九年而卒其後百有餘年而孔子論述六藝傳略言易姓而王封泰山禪乎梁父者七十餘王矣其俎豆之禮不章蓋難言之或問禘之說孔子曰不知知禘之說其於天下也視其掌詩云紂在位文王受命

盧學士云說詩者以虞芮質成爲文王受命之年史公所引卽此

政不及泰山武王

歸云此是旁支他人文字
無此今案此殆精神橫恣
處

秦靈公祭黃帝炎帝尙是
人帝至獻公祀白帝則是
五天帝之說起矣但秦襄
公作西時已祠白帝云主
少皞之神天帝之說已久
盛矣

克殷二年

梁氏志疑云真律歷志作八年鄭詩譜四年周書六年管子

亦未是金縢武王病在二年其云武王既喪則不必二年事矣天下未

寧而崩爰周德之治維成王成王之封禪則近之矣及後陪臣執政季

氏旅於泰山仲尼譏之是時萇弘以方事周靈王諸侯莫朝周周力少

萇弘乃明鬼神事設射狸首狸首者諸侯之不來者依物怪欲以致諸

侯諸侯不從而晉人執殺萇弘周人之言方怪者自萇弘其後百餘年

秦靈公作吳陽上時祭黃帝作下時祭炎帝後四十八年周太史儋見

秦獻公曰秦始與周合合而離五百歲當復合合十七年而霸王出焉

櫟陽雨金秦獻公自以爲得金瑞故作畦時櫟陽而祀白帝其後百二

十歲而秦滅周周之九鼎入於秦或曰宋太丘社亾而鼎沒於泗水彭

城下其後百一十五年而秦并天下秦始皇既并天下而帝或曰黃帝

得土德。黃龍地蟻見。夏得木德。青龍止於郊。草木暢茂。殷得金德。銀白
山溢。周得火德。有赤鳥之符。今秦變周。水德之時。昔秦文公出獵。獲黑
龍。此其水德之瑞。於是秦更命河曰德水。以冬十月爲年首。色上黑。度
以六爲名。晉上大呂。事統上法。卽帝位三年。東巡郡縣。祠騶嶧山。頌秦
功業。於是徵從齊魯之儒生博士七十人。至乎泰山下。諸儒生或議曰。
古者封禪。爲蒲車。惡傷山之土石草木。埽地而祭。席用菹稭。言其易遵
也。始皇聞此議各乖異。難施用。由此絀儒生。而遂除車道。上自泰山陽。
至巔。立石頌秦始皇帝德。明其得封也。從陰道下。禪於梁父。其禮頗采。
太祝之祀。雍上帝所用。而封藏皆祕之。世不得而記也。始皇之上泰山。
中阪遇暴風雨。休於大樹下。諸儒生旣絀。不得與用於封事之禮。聞始
皇遇風雨。則譏之。於是始皇遂東遊海上。行禮祠名山大川及八神。求

僊人羨門之屬八神將自古而有之或曰太公以來作之齊所以爲齊
以天齊也其祀絕莫知起時八神一曰天主祠天齊天齊淵水居臨菑
南郊山下者二曰地主祠泰山梁父蓋天好陰祠之必於高山之下小
山之上命曰時地貴陽祭之必於澤中國丘云三曰兵主祠蚩尤蚩尤
在東平陸監鄉索隱云監音關錢云古文監與齊之西境也四曰陰主
祠三山五曰陽主祠之罘六曰月主祠之萊山皆在齊北並勃海七曰
日主祠成山成山斗入海最居齊東北隅以迎日出云八曰四時主祠
琅邪琅邪在齊東方蓋歲之所始皆各用一牢具祠而巫祝所損益珪
幣雜異焉自齊威宣之時騶子之徒論著終始五德之運及秦帝而齊
人奏之故始皇采用之而宋毋忌正伯僞充尚羨門高最後皆燕人爲
方僊道形解銷化依於鬼神之事騶衍以陰陽主運顯於諸侯而燕齊

史公用然則字與後人不

同

自威宣燕昭再提再頓

三神山一段爲後方士候

神人作影純用迷離惆悵

之筆及至秦始皇句尤爲

武帝影射

海上之方士傳其術不能通然則怪迂阿諛苟合之徒自此興不可勝數也。自威宣燕昭使人入海求蓬萊方丈瀛洲。此三神山者其傳在勃海中。去人不遠。患且至則船風引而去。蓋嘗有至者。諸僊人及不死之藥皆在焉。其物禽獸盡白。而黃金銀爲宮闕。耳王氏不解文法至如是未至望之如雲。及到三神山反居水下。臨之風輒引去。終莫能至云。世主莫不甘心焉。及至秦始皇并天下。至海上則方士言之不可勝數。始皇自以爲至海上而恐不及矣。使人乃齋童男女入海求之。船交海中。皆以風爲解。曰未能至。望見之焉。其明年始皇復游海上。至琅邪。過恒山。從上黨歸。後三年游碣石。考入海方士。從上郡歸。後五年始皇南至湘山。遂登會稽。竝海上。冀遇海中三神山之奇藥。不得還至沙丘。崩二世元年東巡碣石。竝海南。歷泰山至會稽。皆禮祠之。而刻

勒始皇所立石書旁以章始皇之功德其秋諸侯畔秦三年而二世弒
死始皇封禪之後十二歲秦亡諸儒生疾秦焚詩書誅僂文學百姓怨
其法天下畔之皆譌曰始皇上泰山爲暴風雨所擊不得封禪此豈所
謂無其德而用事者邪昔三代之居本作君依漢志改皆在河洛之間故嵩高
爲中嶽而四嶽各如其方四瀆咸在山東至秦稱帝都咸陽則五嶽四
瀆皆并在東方自五帝以至秦軼興軼衰名山大川或在諸侯或在天
子其禮損益世殊不可勝記及秦并天下令祠官所常奉天地名山大
川鬼神可得而序也於是自穀以東名山五大川祠二曰太室太室嵩
高也恒山泰山會稽湘山水曰濟曰淮春以脯酒爲歲祠因泮凍秋澗
凍冬塞禱祠其牲用牛犢各一某案各一爲句牢具屬下句牢具珪幣各異自華以
西名山七名川四曰華山薄山薄山者襄山也岳山梁云岳乃垂之誤地理志垂山古文

以爲
惇物

岐山吳岳鴻冢瀆山瀆山蜀之汶山水曰河祠臨晉沔祠漢中湫

淵祠朝那江水祠蜀亦春秋泮涸禱塞如東方名山川而牲

漢書牲下
有亦字

牛犢牢具珪幣各異而四大冢鴻岐吳岳皆有嘗禾陳寶節來祠其河

加有嘗醪此皆在雍州之域近天子之都故加車一乘駟駒四灋產長

水豐滂涇渭皆非大川以近咸陽盡得比山川祠而無諸加汧洛二淵

鳴澤蒲山嶽壻山之屬爲小山川亦皆歲禱塞泮涸祠禮不必同而雍

有日月參辰南北斗熒惑太白歲星填星辰星

二字依
漢書補

二十八宿風伯

雨師四海九臣十四臣諸布諸嚴諸逯之屬百有餘廟西亦有數十祠

於湖有周天子祠於下邳有天神豐滂有昭明天子辟池於社亳有三

社主之祠

社亳當依索隱校改社爲社漢志作杜三社句漢志亦壽星
作社主案下文止言周之石將軍不得有三疑社字是

祠而雍營廟亦有社主

此亦當作社主其云亦有者明承上
三社主爲文解者引杜伯事失之

社主故周

之右將軍。其在秦中。最小鬼之神者。各以歲時奉祠。惟雍四時上帝爲

尊。其光景動人民。惟陳寶。故雍四時春以爲歲禱。因泮凍。秋涸凍。冬塞

祠。五月嘗駒。及四仲之月祠。若月祠。

漢志作四仲之月月祠。非此文。四仲之月祠。若月祠。乃兩事。不得

混而爲一。若但四仲月祠。不得謂之月祠矣。

陳寶節來一祠。春夏用騂。秋冬用騊。時駒四匹。

木禺龍鑾車一駟。木禺車馬一駟。各如其帝色。黃犢羔各四。珪幣各有

數。皆生瘞埋。無俎豆之具。三年一郊。秦以冬十月爲歲首。故常以十月

上宿郊見。通權火。拜於咸陽之旁。而衣上白。其用如經祠云。西時畦時

祠如其故。上不親往。諸此祠皆太祝常主。以歲時奉祠之。至如他名山

川諸鬼及八神之屬。上過則祠。去則已。郡縣遠方神祠者。民各自奉祠。

不領於天子之祝官。祝官有祕祝。卽有落祥。輒祝祠。移過於下。漢興高

祖之微時。嘗殺大蛇。有物曰蛇白帝子也。而殺者赤帝子。高祖初起。禱

豐枌榆社。徇沛爲沛公。則祀蚩尤。鑿鼓旗。遂以十月至霸上。與諸侯平
咸陽。立爲漢王。因以十月爲年首。而色上赤。二年。東擊項籍。而還入關。
問故秦時上帝祠何帝也。對曰。四帝。有白青黃赤帝之祠。高祖曰。吾聞
天有五帝而四。四上有字。依漢書刪。何也。莫知其說。於是高祖曰。吾知之矣。乃
待我而具五也。乃立黑帝祠。命曰北時。有司進祠。上不親往。悉召故秦
祝官。復置太祝太宰。如其故儀禮。因令縣爲公社。下詔曰。吾甚重祠。而
敬祭。今上帝之祭。及山川諸神當祠者。各以其時禮祠之如故。後四歲。
天下已定。詔御史令豐謹治枌榆社。常以四時春。漢志作時春是也。此四字衍時春猶下文
云時臘也。王氏謂時臘之時爲衍字殊誤。以羊彘祠之。令祝官立蚩尤之祠於長安。長安置
祠祝官女巫。其梁巫祠天地天社天水房中堂上之屬。晉巫祠五帝東
君雲中司命。當依漢書雲中下有君字。無司命字。司命在下文。領於荆巫也。巫社巫祠族人先炊之屬。

錄文帝制詔除祕祝移過
及祝致敬無所似甚不惑
神怪矣後卒惑於公孫臣
新垣平之邪說有渭陽五
帝及日冉中改元之事皆
武帝先聲也

秦巫祠社主巫保族繫之屬。荆巫祠堂下巫先司命施糜之屬。九天巫祠九天。皆以歲時祠宮中。其河巫祠河於臨晉。而南山巫祠南山。秦中秦中者二世皇帝各有時月。其後二歲。或曰周興而邑郃立后稷之祠。至今血食天下。於是高祖制詔御史。其令郡國縣立靈星祠。常以歲時祠以牛。高祖十年春。有司請令縣常以春二月及時臘祀社稷以羊豕。民里社各自財以祠。制曰可。其後十八年孝文帝卽位。卽位十三年下詔曰。今祕祝移過於下。朕甚不取。自今除之。始名山大川在諸侯。諸侯祝各自奉祠。天子官不領。及齊淮南國廢。令太祝盡以歲時致禮如故。是歲制曰。朕卽位十三年於今。賴宗廟之靈。社稷之福。方內艾安。民人靡疾。閒者比年登。朕之不德。何以饗此。皆上帝諸神之賜也。蓋聞古者饗其德必報其功。欲有增諸神祠。有司議增雍五時路車各一乘。駕被